



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 2. Confessores captivi.

[urn:nbn:de:hbz:466:1-66103](https://nbn-resolving.de/urn:nbn:de:hbz:466:1-66103)

S. II.*Confessores Captivi.*

Sæculum IX.

A. C. 841.

Illo reversus Califa captivos Græcos fer-
reis vinculis & pedicis adstrictos in
specum detrudit obscurum adeo, ut nul-
la ferme lux incideret, & in meridie ocu-
lorum usu deficiente solam loquentis vo-
cem cognoscerent. Nemo hominum ad
eos admittebatur, nisi duri custodes; ar-
eo pane & aqua refocillabantur, in nu-
da humo cubabant, vestes erant cento-
nes laceri pediculis scatentes. Non nun-
quam dabatur iis licentia exeundi ad col-
ligendam stipem; tunc vero quemlibet
eorum decem milites custodiebant, &
iisdem in carcerem reductis, panis fran-
gebatur & discutiebantur scutellæ, ne
epistolas sibi traditas occultare possent.

Barbari, ubi conspexerunt captivo-
rum corpora carceris squalore attenuata
& viribus destituta, eorum Religioni in-
sidiari cœperunt, quippe Califa Docto-
res, qui inter Musulmannos eruditissimi
habebantur, ad eos misit. Illi simulan-
tes se sponte sua venire, cum a custo-
dum Præfectis facultatem captivis collo-
quendi facile obtinuissent, pecunias ve-
stesque

bylonis, cuius hodie pauca quæ supersunt rude-
ra ad Euphratem unius diei itinere inde di-
stant.

Sæculum IX. stesque attulerunt, ut benevolentiam
A. C. 841. captarent. Dixerat enim Califa, parum
sibi videri cepisse urbem, nisi etiam animas cœlo lucraretur. Porro Christianis ad primam de fide sua abiiciendi mentionem exhorrentibus, dicebant Musulmanni: *Plane non eo loco sitæ sunt vestræ, ut nos superbe repellere debatis. Audite saltem quæ afferimus, postea consilia nostra respuere licebit, si noxia sint. An non amatis liberos vestros, parentes, uxores, amicorum suavem consuetudinem, patriam denique vestram? porro unica vobis restat via ad hæc bona omnia recuperanda; si dissimuletis tantisper, si vos circumcidiri patiamini, & cum Califa ortis. Tunc muneribus vos cumulabit, & belli vicissitudines vobis viam aperient, qua ad vestros & ad Religionem vestram redeatis.* Christiani responderunt: *Si eadem fors, quæ nobis bodie, vobis Mabometis cultoribus obtigisset, an quod modo Christianis consilium datis, ipsi essetis amplexuri? faceremus sine dubio, responderunt Musulmanni, nihil enim homini libertate jucundius. Et quod dicebant juramento confirmarunt. Nos vero, reposerunt Christiani, consilium bac super re non recipimus ab hominibus, qui in ea, quam profitentur Religione, vacillant. His dictis pudore confusos dimiserunt. Exactis paucis diebus adsunt alii, qui et iam*

iam quæsito prætextu largiendi captivis Sæculum IX.
eleemosynam commiserationem inter la- A.C. 841.
crymas testabantur. *Horrendum malum!*
inquietabant, in magnum Prophetam Mabo-
metem non credere. *Miseri isti, quos con-*
spicimus vinculis onustos, sunt Imperato-
ris sui affines, incliti bello Duces, magni-
rum spirituum & exploratissimæ fortitu- Fides
dinis viri, validis copiis imperabant; cur Mahometa-
ergo tanta præsidia eis nihil profuerunt, norum.
nisi quod non noverint Prophetam, a cu-
jus Servis devicti sunt? sed mirum non
est, quod veritatem nesciant, quam nemo
ipsos docuit, veniam meretur ignorantia.
Tum sermone ad captivos directo inquiet-
bant: *Relinquette arctam viam, in qua ut*
ambuletis præcepit vobis Filius Mariæ,
ingredimini viam latam in hac & in al-
tera vita, quam Propheta magnus nobis
ostendit. Num docet aliquid, quod fidem
supereret, dum dicit, Deum posse sibi ser-
vientibus in hac vita omnis generis volu-
ptates, & in altera paradisum concedere?
damnate vestram ignorantiam, & nolite
Dei Beneficia respuere. Quia enim bonus
est, cum videret, Jesu legem asperam &
difficilem implere, onus esse humanis viri-
bus majus, misit Prophetam suum Mabo-
metem, ut detracto tanto onere homines per
solam Fidem salvaret. Christiani modi-
co risu sese mutuo aspicientes dixerunt:
Quomodo vobis persuadere potestis, veram
esse

Sæculum IX. esse & Deo acceptam Doctrinam, quæ car.
A. C. 841. ni omnis generis voluptates indulget? &
rationem, nobilissimam hominis portionem,
brutis affectibus subjicit? nullum profi-
ctio ejusmodi hominis & animalis ratione
carentis discriminem est. Apagite! nibil
nos a JESU Christi charitate separet.

Haud multo post iterum veniunt ali-
ex ordine illorum, quos Musulmanni Es-
quirs appellant, nempe Monachorum.
Hi captivis eleemosynam largiti, & sin-
gulos osculati, postquam consedissent di-
ixerunt: Pensate rem attentione dignam;
quibus bodie Deus opitulatur, an Roma-
nis, an Musulmannis? an non colonis fer-
tilitatem agrorum concedit, & exerciti-
bus nostris victoriam? nunc vero justus
est Deus; tot bona non daret, nisi manda-
ta ejus servaremus, nec vos in potestatem
nostram tradidisset, nisi quia in ipsis Pro-
phetam credere recusastis. Christiani re-
sponderunt: Bona vestra venia quaſſio-
nem proponemus. Si viri duo de possesſio-
ne hæreditatis litigent, & unus quidens
clamat: mea est! sed testes nullos produ-
cat, alter autem verbis parcens complures
testes fide dignos producat, quid vobis vi-
detur? utri adſcribenda est hæritas? Re-
sponderunt Musulmanni: illi utique, qui
testes idoneos produxit. Tum Christiani:
Ecce! venit JESUS Christus, natus ex
Virgine, quod nec vos inficiamini, & te-
stis

stes produxit, omnes veteres Prophetas, qui Sæculum IX.
ipsius adventum prædicarunt. Dicitis, A. C. 841.
Mahometem quoque venisse, & legem ter-
tiam attulisse. An non novum Prophe-
tam oportuisset saltem unius alteriusve
Prophetæ veteris testimonium pro se pro-
ducere? qui ipsum a Deo missum affirma-
set? putatis, illud causæ vestræ prodeesse,
quod Principes vestri regna evertant, &
provincias armis subigant. Verum enim
vero aspicite Persas, qui totum ferme or-
bem terrarum sibi subjecerunt, numerate
victorias Græcorum, qui Persas device-
runt, recordamini Triumphos Romano-
rum, quorum imperium usque ad terminos
orbis terræ prolatum. Edicite, num hi
generis humani Victores veram Religio-
nem sequebantur? quin imo plures Deos
non ferenda insania adorabant. Deus
quandoque Victoriam tribuit sibi servien-
tibus, quandoque, postquam eum offendie-
runt, permittit, ut vincantur, & flagello
bominum impiorum ad castigandos filios
utitur. Christiani septem non minus
annis in tetrico carcere languere co-
acti Deo gratias agebant, quod modum
sibi suppeditasset præterita sua peccata
expiandi, & pro conversione Musulman-
orum orabant.

Interim Mutazem* alio nomine Abu-
Isaac Samarræ, seu Sermenrai, nova Ci-
vitate, quam ad Tigrim decem duode-
cimve

* seu ut supra
Almutazem.
Elmac. l. II.
cap. 9. Bibl.
orient. p. 808

Sæculum IX. cimve leucis a Bagdato distantem adi-
A. C. 842. caverat, naturæ debitum solvit anno Ho-
 giræ ducentesimo vigesimo septimo, de-
 cima octava die mensis tertii, id est, sex-
 ta Januarii, anno Salutis octingentesimo
 quadragesimo secundo, ætatis suæ qua-
 dragesimo octavo, postquam annos octy-
 menses octo, & dies octo regnasset. Ru-
 dis erat, & literas formare nesciebat. Fi-
 lius suus Aaron *Aluatec Abujafer* suc-
 cessit.

§. III.

Patriarchæ Orientis.

Elmac. eod. *Jacobus Patriarcha Jacobita Alexandri-*
c. 9. Chr. *nus anno quinto Regni Mutazem, He-*
orient. pag. giræ ducentesimo vigesimo secundo, JE-
 109. *su Christi octingentesimo trigesimo septi-*
Sup. lib. *mo obiit, eique successit Simeon, qui non*
XLVII. *plus uno anno Sedem occupavit. Anno*
§. 41. *deinde sequente ducentesimo vigesimo*
secundo, JEsu Christi octingentesimo tri-
gesimo octavo Josephus in Monasterio
S. Macarii Patriarcha eligitur, qui Sedem
annis septendecim tenuit. Josepho se-
dente contigit, ut Metropolita Habechæ
seu Æthiopiæ, Jacob nomine, e Cathe-
dra sua expelleretur. Cum vero exinde
agris arentibus fames & pestis illud Re-
gnum affligerent, Rex per legatos a Jo-
sepho Patriarcha veniam facti petiit, ro-
gavitque, ut Metropolitam remitteret,
qui